



1049

Broj: 01-05-21788/17 KM
Sarajevo, 18.08.2017. god.

**SKUPŠTINA KANTONA SARAJEVO
SARAJEVO**

PREDMET: Odgovor na „Poslaničko pitanje“

U prilogu dopisa dostavljamo Vam odgovor na postavljeno poslaničko pitanje na 31. Radnoj sjednici Skupštine Kantona Sarajevo održanoj dana 05.07.2017. godine, a od strane poslanika Edin Forto.

Pitanje:

„Tražim da mi dostavite informaciju o tome kada Ministarstvo saobraćaja Kantona Sarajevo konačno planira pristupiti rješavanju problema nefunkcionalnog javnog minibuskog prevoza na području Općine Stari Grad.“

Odgovor :

Ministarstvo saobraćaja Kantona Sarajevo vodi stalne aktivnosti na praćenju stanja održavanja registrovanih redova vožnje kao i poduzimanju mjera u cilju poboljšanja usluga javnog linijskog prijevoza putnika u Kantonu Sarajevo. Imajući u vidu da se registrovani redovi vožnje na području Kantona Sarajeva ne održavaju, da je relativno niska frekvencija saobraćanja minibusa, idr., Ministarstva saobraćaja Kantona Sarajevo je pokrenulo aktivnosti za sanaciju i reorganizaciju KJKP „GRAS“ d.o.o. Sarajevo. Skupština Kntona Sarajevo je, na osnovu prijedloga Ministarstva saobraćaja Kantona Sarajevo, donijela zaključak o uvođenju privremenih mjera za sanaciju stanja u KJKP „Gradski saobraćaj“ d.o.o. isključivanjem rada upravljačkih tijela i postavljanjem privremenog upravitelja.

U skladu sa zaključkom Skupštine Kntona Sarajevo pripremljene i usvojene su mjere za sanaciju KJKP „GRAS“-a, a koje sadrže i set mjera za reorganizaciju i optimalizaciju redova vožnje kao i investicionog ulaganja za nabavku voznih jedinica što bi u skorije vrijeme trebalo dati pozitivne rezultate u smislu poboljšanja usluge javnog linijskog prijevoza putnika a naročito u minibuskom vidu prijevoza. Trenutno, Ministarstvo vodi aktivnosti nabavke određenog broja minibus vozila, kao i aktivnosti za nabavku vozila (minibusa) za preduzeće KJKP „GRAS“ d.o.o. Sarajevo od strane lokalnih zajednica (Općina sa područja Kantona Sarajevo), a sve u cilju poboljšanja usluge u javnom linijskom prijevozu putnika na području Kantona Sarajevo a samim tim i na području Općine Stari Grad.

Ministarstvo će i dalje pratiti stanje i poduzimati mjere u skladu sa zakonskim i pod zakonskim propisima, a sve u cilju obezbjedenja kvalitetne usluge javnog prijevoza putnika.

S poštovanjem,

Dostaviti:

- Skupština Kantona Sarajevo
- evidencija
- arhiva

MINISTAR

Dr. sc Mujo Fiso



web: <http://ms.ks.gov.ba>

e-mail: ms@ms.ks.gov.ba

Tel: + 387 (0) 33 562-058, + 387 (0) 33 562-059

Sarajevo, Reisa Džemaludina Čauševića 1

